



Inatsisartunut ilaasortaq Nikolaj Jeremiassen, Siumut  
/MAANI

**INDGÆT**

**22 JULI 2015**

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**Inuussutissarsiutigalugu piniartut allagartaajagaasarnerat pillugu § 37 malillugu  
apeqqummut akissut**

14-07-2015  
Suliap normua. 2015-116419  
All. nr. 2016476

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

Inatsisartut suleriaasianni § 37, imm. 1, malillugu inuussutissarsiutigalugu piniartut  
allagartaajagaasarnerat pillugu Naalakkersuisunut ataatsimik apeqquteqarputit.  
Apeqqut uannut akineqartussanngortinneqarsimavoq.

**Apeqqut:**

- *Kalaallit Nunatsinni Piniartutut allagartaajakkat allagartaajagaajumaartussallu  
inuussutissarsiumminnik inuuniutiminnillu attassiinnarnissaat qulakkeerniarlugu  
Naalakkersuisut aaqqiissutissanik siunertaqarpat?*

Naalakkersuisut akissutissamik saqqummiussaqaalersigatik erseqqissaqqaarusuppaat,  
Nunatsinni piniartut allagartaajarneqanngimmata allagartaajagaajumaartussanillu  
Naalakkersuisut suliniuteqanngimmata. Allaffissornikkut sinaakkutit aallaavigalugit  
Naalakkersuisoqarfik pisussaaffeqarnini malillugu sulisoq matumuuna erseqqissaatige-  
rusuppara.

**1-imut) APNN-imit** (Aalisarnermut, Piniarnermut, Nunalerinermullu Naalakkersuisoqar-  
fimmit) ilisimaneqarpoq inuussutissarsiutigalugu piniartoqarmat inatsisikkut piumasa-  
qaammik atuuttumik, tassa isertitat 50%-ii piniarnermeersuunissaannik aalisarner-  
meersuunissaanillu piumasaqaammik naammassinnissimangitsunik. Pingaartumik  
inuussutissarsiutigalugu aalisartunut Kalaallit Nunaata Avannaani Kangianilu tunitsi-  
vissaqanngitsuneersunut tamanna atuuppoq.

APNN-ip Piniarneq Aallaaniarnerlu pillugit Inatsisartut inatsisaat nr. 12, 29. oktober  
1999-imeersup iluarsateqqinnissaa sulissutigaa, taamaalilluni siunissami piniartut 50  
%-inik isertitaqarsimanissamik piumasaqaammik atuuttumik imaaliinnarlugu naammas-  
sinnissinnaanngitsut ilanngullugit aaqqiissuteqarfigineqarnissaat eqqarsaatigineqalerni-  
assammata. Isertitarisimasassanummiuna tunngatillugu piumasaqaat inuussutissar-  
siutigalugu piniartutut allagartartaarnissamut itigartitsinermit pissutaakkajunner-  
paasartooq. Taamaattoq oqaatigineqassaaq kommuni angerlarsimaffigisaq aqputigalugu  
50 %-inik isertitaqarsimanissamut piumasaqaatip atuutsinneqannginnissaanik qinnu-  
teqartoqarsinnaammat.

Immikkut akuerineqarnissamik qinnuteqaatit ataasiakkaarlugit APNN-imit nalilersorne-  
qartarput. Ilisimatitsissutigisinnaavara allakkat ukua allannerineri inuussutissarsiuti-  
galugu piniartut 5-t missaanniittut 2015-imi immikkut akuersissummik qinnuteqaati-

minnit itigartinneqarsimmammata. Inunnut taakkununga pissutsit imaassimapput immikkut akuersissuteqarluni allagartamik tunniussinissamut pissutissarsisoqarsinnaasimanani.

Oqaatigisinnaavara Naalackersuisoqarfiup sulissutigiuarsinnarmagu inuussutissarsiutigalugu piniarnermut allagartanik tunniussisarneq pillugu suliat suliarineqartarnerata pisariillisarneqarnissaa. Ilaatigut kommuninut ataatsimut allakkat arlaleriarluta nassiutarnikuuvagut taakkunani qinnuteqarluni immersuiffissat immersorneqartarnerat pillugu malittarisassat erseqqissartarlugit.

Taamatuttaaq malitassat ilitersuutillu iluarsaateqqitat kommuninut ingerlaavartumik nassiussuuttarpagut paasisaratsigumi kommunit inuussutissarsiutigalugu piniarnermut allagartartaarniarluni qinnuteqaatit taamatullu immikkut akuersissuteqarfigineqarnissamik qinnuteqaatit assigiinngisitaartorujussuarmik suliarisaraat.

Tamakku saniatigut naggasiullugulu upernaq siusinnerusukkut sammisaq taanna pillugu isumasioqatigiinnermut atatillugu akissutigineqartut innersuussutigissavakka.

Inussiarnersumik inuulluaqqusillunga

Karl-Kristian Kruse